

華東稀見方志文獻 第五十卷

中國華東文獻叢書

中國華東文獻叢書·第一輯

華東稀見方志文獻

第五十卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：倉修良 高國祥

福建部分主編：方寶川

副主編：陳旭東

本卷目錄

臺灣府紀畧	〔康熙〕林謙光撰		〇〇三
續修臺灣府志	〔乾隆〕覺羅四明 余文儀纂修		〇二一
澎湖廳志	〔光緒〕蔡麟祥修 林豪纂		四七五

【康熙】林謙光撰

臺灣府紀畧

〔康熙〕《臺灣府紀畧不分卷》清林謙光撰，康熙二十五年（公元一六八六年）原刊（序）、華鄂堂集本（序）。白口，無魚尾，上下雙欄。半葉九行，行十九字。

林謙光，字道牧，一字芝眉，吳航（今福建省長樂市）人，生卒年不詳，時任臺灣府儒學教授。卷前有林謙光自序。

華鄂堂集

臺灣府紀畧小引

古王者混一區宇必令載筆儒臣採十五國風以備
黼展周覽匪惟侈一統盛軌而因俗調劑俾登邦隆
往往由此也今我

皇上廟算恢弘德威遐暢環海內外靡不賓服即臺灣
黑子地周圍三千餘里向所藉險陸梁者固不慕義
輸誠甘爲臣妾詎不邁禹服而過漢唐哉但榛莽初
鋤記載者未

二日武習尚及

華鄂堂集

天微細物產之類或不能周知光以眇然未吏涉波
濤歷重洋而敷仰

天子之文教於今三年矣廣誼博採謹述一二俾采覽
者得以悉心攷究踵事增華用拓一統無外之弘規
則光之管窺蠡測庶有同於芻蕘之一獻焉作臺灣
紀畧

康熙庚午歲仲秋初吉臺灣府儒學教授林謙光謹
識

臺灣府紀畧目錄

形勢 沿革 建置 山川

沙線 礁嶼 城郭 宮室

園面
寺觀

附 祀典 戶役 賦稅

學校 兵防 津梁 職官

選舉 人物 列女 天時

地理 風俗 物產 藝文



附澎湖嶼


附臺灣賦

華鄂堂集

臺灣紀畧目錄

一





華鄂堂集

臺灣府紀畧

吳航林謙光芝嶠甫著

形勢

臺灣為海中孤島地在東隅形似彎弓中屬臺灣市
市以外皆海由上而北至淡水鷄籠城界與福建
相近其東則大琉球也離海稍遠由下而南至加
洛堂即橋止其西則小琉球也與東港相對由中
而入一望平原三十餘里層巒聳翠樹木蒼茂即
臺灣灣之所也而灣外復有沙隄名為崑身自大

華鄂堂集

臺灣紀畧

崑身至七崑身止起伏相生狀如龍蛇復有北線
尾鹿耳門為灣灣之門戶大線頭海翁窟為臺城
之外障船之往來由鹿耳今設官盤驗云

沿革

先是北線尾日本番來此搭寮經商盜賊出沒於其
間為沿海之患續後紅毛係荷蘭種由加噶吧來
假其地於日本後遂奄為已有築安平赤嵌二城
倚夾板船為援戰而各社土酋聽其約束設市於
安平鎮城外與商賈貿易至壬辰年土民郭懷一

華鄂堂集

臺灣紀畧

二

反西王氏召土番擒之戮於赤嵌城民被土番混殺漸以蕭索蓋至是歸紅毛已三十餘年矣辛丑年偽鄭成功敗自長江歸漂泊無所土人勾之往乃發大小船千餘號遣何斌引港由鹿耳門入潮水忽添數尺紅毛戰敗逃入鎮城堅閉不出鄭兵沿山圍之累月柴蔬不得入又乏外援紅毛自遁歸成功因改臺灣爲僞東都設一府二縣府尹楊朝棟天興縣莊文烈萬年縣祝某壬寅年五月初八日鄭成功卒提督馬信立其胞弟鄭世襲改號

朝廷廟謨弘遠勝算周詳

特簡提督靖海將軍侯施謙琅督理舟師與總督姚巡

華鄂堂集

臺灣紀畧

三

調殘兵守澎湖派殷戶爲糧抽壯民爲兵致民心離散士卒喪氣辛酉年鄭經預立其庶子鄭欽爲監國退開於洲仔尾嬉遊爲樂正月二十九日鄭經卒衆悼鄭欽之嚴迫之繼成立鄭克塽爲主年冲幼政出多門福建總督部院姚瑩啓聖偵知其事密請兩征先行秘劄與傅爲霖約爲內應後事泄爲霖被戮賴

撫與薛興祚戮力討寇康熙二十二年癸亥六月十四日大師由銅山開駕十五日兵進入單灣十六日進澎湖大戰竟日勝負未決十七日舟停八單灣十八日進取虎井桶盤嶼克之十九日將軍乘小舟暗渡海中親觀營壘遙見澎湖媽祖宮與上下砲城三座風櫃尾一座四角山砲城一座鷄籠山砲臺一座東西嶺砲臺一列四座西南內外塹西嶺頭一列砲臺四座牛心灣砲臺一座沿海之處小船可以登岸者盡設短牆置砲石連遶三

十餘里海兵星羅密布將軍機宜在握遂於二十一日誓師二十二日分兵進剿左師直入鷓鴣籠右師直入牛心灣中權分爲八陣每陣三疊將軍居中調度將左者爲興化鎮吳英金門鎮陳龍銅山鎮陳昌將右者爲平陽鎮朱天貴海壇鎮林賢慶門鎮楊嘉瑞提標中營羅士珍旌旗蔽空舳艫千里自辰至申戮力夾攻士逞敢死之心將奮先登之志擊沉煩船八隻燒烏船三十六隻其餘奔散無跡平陽鎮朱天貴陣亡海兵死傷無算遂一鼓

華郭堂集

臺灣紀畧

四

而下澎湖焉於是劉國軒知事不可爲勒克塽繕表歸誠乃賁印八顆延平王金印一顆輔政公武平侯忠誠伯武衛將軍等銀印四顆稽首歸順時前寧靖王朱術桂闔室自縊死先是澎湖窺險難以泊舟至是水神効靈九日海不揚波旆湧甘泉因以不竭大師遂抵臺灣至七月初三日將軍飛章奏聞八月初三日楊旗入灣文武官僚剃髮迎師兵不血刃而臺灣已歸我版圖矣

建置

左師底定臺灣設分巡道一員領一府三縣

臺灣縣居中其所轄則有東安西定寧南鎮北四坊保大東保大西廣儲東廣儲西武定永康歸仁北歸仁南新豐長興崇德仁德南仁德北文賢仁和等里大街橫街新街禾寮港街瀨口街人井頭嶺後油栢柴市等街上港岡中港岡大鄉洋小鄉洋紅毛寮舊社口等鄉

南鳳山縣自臺灣府起至沙碼崎頭止共五百三十里其所轄則有永寧新昌長治嘉祥維新仁壽等

華郭堂集

臺灣紀畧

五

里鄉之名曰瀨口鹽埕凹底竹戶半路竹島嶺林鯽仔潭濁水溪上庄下庄阿噠甲後紅仔等處自臺灣府南行一百四十里至赤山仔社再行八十里至上淡水再行二十里至下淡水十五里至力社再行十五里至茄藤社再行六十里至放索社再行八十里至加洛堂再行一百十五里至耶橋則過沙碼崎頭山之背爲往呂宋開洋處外復有麻漢文社阿猴林社搭樓社另山上有個個社與卑南覓社土番負固稀到城市今土官加老斯

統之

北諸羅縣自臺灣府起至鷄籠城止共五千三百五十里其所轄則有新化善化安定開化等里鄉之名曰新港東新港西加荖仔佳里興赤山仔大排竹上加東下加東南世竹大龜肉龜佛山覆鼎山鹿仔埔等鄉社之名曰新港社即新化里目加嘴灣社即善化里蕭籠社即安定里麻豆社即開化里以上四大社人衆尤多力役必先及之自赤崁城北行四十里至新港社五十里至麻豆社九十里至諸羅山再行一百里至他里務一百二十里至大武郡六十里至半線一百十里至水里社再行三百里至大甲社一百四十里至房里社一百三十里至吞爺社一百三十里至後壠社二十里至新港仔四十里至中港仔一百里至仰墘社二十里至眩眩社二百里至南嶺社再行八十里至八里分社過江十五里即到淡水城也再行三十里至奇杞龜崙社六十六里至內鷄州再六十里至大屯社再四十里至小鷄籠跳石而過再一百

華郭堂集

臺灣紀畧

六

五十里至金包里外社又跳石過二百里至鷄籠

過江三十里至鷄籠城過此則無路可行亦無灣灣可泊用小艇涉海一日至山朝社三日至蛤仔灘又三日至哆囉嘴又三日至直脚宜前則人跡不到矣

商人所常泊之社曰大武壠倒咯囉諸羅山打猫社他里務東螺嶺閩西螺南社麻支干二林三林猫羅社大武郡半線馬芝林阿東竹塹等社

山川

華郭堂集

臺灣紀畧

七

南路之山曰大岡山在鳳山嘉祥里界屬臺灣之東南三十里狀如覆舟天陰埋影時露則現上有仙人跡鐵猫兒旋龍耳甕在焉相傳國有大事則此山必先鳴又有小岡山在大岡之傍狀亦相似觀音山似大士坐蒲團鳳山如鳳凰展翼半崩山以形名赤山以色名打狗山峙海濱山不甚高屬港灣之處可以占雲雨半屏山龜山凹底山皆突起平地若阿侯林則大樹蔽天材木於是乎給北路之山曰木阿曰里沙放種曰買猪來種曰半線

曰阿里曰鷄籠而金山則在鷄籠山山朝溪後中產精金番人拾在手霹靂隨起下溪中沙金如屑水甚冷取之者從高而望捧沙疾行乃免稍遲立凍死奇冷山卽奇嶺社之山高百丈臺灣最暖此山獨積雪至春杪不化玉山在野番中月夜仰視其色晶瑩如玉

南路未羅港近七崑身其間有三港一抵大岡山一抵小岡山一通萬丹港并打狗港而東港口有四港一港卽淡水港直抵阿猴林中分兩溪俱至內

華郭堂集

臺灣紀畧

八

山一港至力力社一港至放索社抵山溪中有小石如卵另有鯽魚潭濁水溪

中路離臺灣縣界八里有大潭曰鯽魚潭採捕之利

足佐軍需

北路港門曰新港溪直抵新港社其新港東一港透廣儲里東廣儲里西大目降八鯽仔潭中 歐王

溪透目加嘴灣蕭蕭麻豆大武壠等社直抵內山

蚊溪透大武壠山其中分一大溪至內山關溪

合惡水溪八掌溪透龜佛山上加東下加東大排

竹直抵內山 猿樹溪與牛稠港相界透龜仔

港南世竹諸羅山鹿仔埔至內山止 山疊溪透

石龜打貓社覆鼎山 吼尾溪透他里務猴閣柴

裏抵內山止 東螺溪透南社蔗支干西螺斗六

門貓羅大武郡半線柴砦仔阿東等社 大武郡

溪透二林天突東螺合流至斗六門抵山 大肚

溪透大肚水里沙鹿等社 大甲溪透大甲牛罵

等社 后壠溪透后龍社絕港 中港溪透新港

仔合坎社崩山社惟新港仔往淡水必經之路

華郭堂集

臺灣紀畧

九

竹塹港透竹塹社至中港社爲絕港至南嶺則港

之盡處也 計由臺灣府至淡水止溪凡十八重

皆發源於山以海爲歸云

沙線

南港口有長沙線自南港口起至淡水海外止不知

其幾千里北線尾與安平鎮城相連與赤崁城相

對復有大線頭海翁堀爲臺灣之外障鹿耳門與

北線尾相連船隻出入之處是臺灣之大門戶也

礁真

上淡水城對面有兩石雙峙海中謂之石門淡水城
海中有兩石雙起插天謂之旗竿石又有圭礁巖
船遇之則碎

城郭

安平鎮城在一崑身之上東抵灣街渡頭西畔沙城
抵大海南至二崑身北有海門原紅毛夾板船出
入之處按一崑身周圍四五里紅毛築城用大磚
桐油灰其橋而成城基入地丈餘深廣亦一二丈
城牆各垛俱用鐵釘釘之方圍一里堅固不壞東

華郭堂集

臺灣紀畧

十

畔設屋宇市肆聽民貿易城內曲屈如樓臺上下
井泉鹹淡不一另有一井僅一小孔桶不能入水
從壁上流下其西南畔一帶原係沙墩紅毛前後
載石堅築水衝不崩

赤嵌城亦紅毛所築在臺灣海邊與安平鎮相向其
城方圍不過半里

鷄籠淡水小城也紅毛築之以防海剽然利於南風
不利於北風

宮室

圍園寺觀附

分巡道署在西定坊 臺灣府署在東安坊知府蔣

諱毓英重整 經歷廳在臺灣府前 學署在寧

南坊

臺灣縣署與縣丞廳俱在東安坊之中軍營 典史

廳在萬年州後 學署在東安坊 巡檢司在新

港 倉在赤嵌城傍

鳳山縣署在西定坊塗墍塹 典史廳在塗墍塹

學署亦在塗墍塹 巡檢司在下淡水 倉在萬

年州後

華郭堂集

臺灣紀畧

士

諸羅縣署在東安坊 典史廳在諸羅山 學署在

北路灣內 巡檢司在半線 倉在佳里興 演

武亭在府學前

洲仔尾乃海邊小渚在臺灣縣武定里界鄭經築爲

遊觀之地茂林嘉卉峻宇雕牆極島中之華麗

故僞參軍陳永華別業亦在武定里亞於洲仔尾

半月池在鳳山之下荷花最盛

福員寺在東安坊長治里界係僞忠振伯子洪某建

祀典

先師廟係鄭經建於寧南坊原號大成殿及丙寅年知府蔣毓英改爲先師廟重整棟宇春秋致祭	城隍廟在東安坊府治邊僞天興知州柯平建	北極眞武殿在東南二坊交界龍頭高阜之處內有朱術桂扁額	東嶽司在東安坊城隍口	關帝廟在鎮北坊大井頭街亦有朱術桂扁額	觀音亭在東安坊之坑墘	大道宮祀白礁吳眞人在觀音亭傍	辜鄧堂集 臺灣紀畧 主	沙陶宮祀哪吒太子在西定坊海邊	天妃宮祀護國天妃娘娘係將軍靖海侯施入臺灣時建	題賜勅封并金字扁以誌澎湖湧泉助勝之功內祀寧靖檀越主在西定坊海邊	施將軍生祠在寧南坊府學之傍係閩郡士民建	戶役	戶口自鄭成功開闢二十餘年漳泉之民遁逃其中稍稱沃野自大兵帛伐人多歸籍今供給徭役者
--	--------------------	---------------------------	------------	--------------------	------------	----------------	-------------------	----------------	------------------------	---------------------------------	---------------------	----	---

半屬轄內之三十四社若新附諸番尙費司牧之撫循未可征其力役也	賦稅	臺灣皆屬沙堤地力最薄通府額派地丁銀共一萬四千八百八十二兩八錢二分零 稅餉未計	臺南縣糧額銀五千二百三十四兩二錢七分零	鳳山縣糧額銀一千二百五十九兩二錢六分零	諸羅縣糧額銀八千三百九十八兩二錢八分零	學校	辜鄧堂集 臺灣紀畧 主	臺灣府歸順後	天子思磨鈍振聵乃設歲科二試以鼓勵之每試府學入泮二十名補館五名至二十名餘額滿止增如原例縣學入泮十二名補館三名至十名餘額滿止增如例試期自康熙丁卯年始其應增全額俟人文盛日具	題照內地例補足祭罷學租尙未有定	兵防	臺灣總兵統兵一萬共分十營 安平鎮三營 澎湖
------------------------------	----	---	---------------------	---------------------	---------------------	----	-------------------	--------	---	-----------------	----	-----------------------